

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 236848 24 St 2  
Zenica, 27.01.2025.. godine

Općinski sud u Zenici, sutkinja Marina Šapina, odlučujući u stečajnom postupku nad društvom DRUŠTVO ZA PROMET I USLUGE „MINEX“ D.O.O. ZENICA, Marjanovića put broj 78, Zenica, pokrenutom po prijedlogu DRUŠTVO ZA PROMET I USLUGE „MINEX“ D.O.O. ZENICA, Marjanovića put broj 78, Zenica, zastupan po punomoćniku Erminu Redžiću, odvjetniku iz Zenice, nakon ročišta za utvrđivanje uvjeta za otvaranje stečajnog postupka održanog dana 23.01.2025.god., odlučujući o prijedlogu privremene stečajne upraviteljice Nure Soldin iz Zenice, za otvaranje stečajnog postupka nad navedenim pravnom licem, kome je prisustvovala privremena stečajna upraviteljica Nura Soldin i punomoćnik predlagatelja Redžić Ermin, odvjetnik iz Zenice, dana 27.01.2025.godine, donosi:

### R J E Š E N J E

Otvara se stečajni postupak nad imovinom pravnog lica DRUŠTVO ZA PROMET I USLUGE „MINEX“ D.O.O. ZENICA, Marjanovića put broj 78, Zenica, MBS:1-1793, JIB: 4218068890004, dana 27.01.2025.godine, u 15:00 sati.

Za stečajnog upravitelja sa liste stečajnih upravitelja se imenuje Nura Soldin iz Zenice, Talića brdo 1A.

Pozivaju se povjerioci da u roku od 30 dana od dana objavljivanja oglasa o otvaranju stečajnog postupka u Službenim novinama F BiH, prijave svoja potraživanja koja imaju prema stečajnom dužniku podnošenjem prijave Općinskom sudu u Zenici na broj: 43 0 St 236848 24 St 2 uz uplatu sudske takse u iznosu od 1% od vrijednosti potraživanja, ali ne manje od 50,00 KM, niti više od 10.000,00 KM na transakcijski račun budžeta ZE-DO kantona broj: 134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog transakcijskog računa.

Pozivaju se povjerioci da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan četvrtak 27.03.2025. u 9,00 sati, u zgradi Općinskog suda u Zenici kancelarija br. 31/II, te se na isto pozivaju povjerioci stečajnog dužnika koji podnesu prijavu potraživanja i stečajni upravnik.

Određuje se upis zabilježbe otvaranja stečajnog postupka u Registar društava kod stečajnog dužnika koji se vodi pod MBS: 1-1793, te oznake „u stečaju“ uz naziv stečajnog dužnika, a u rubrici „lica

ovlaštena za zastupanje subjekta upisa“ umjesto imena i prezimena direktora upiše ime i prezime stečajnog upravnika.

### O b r a z l o ž e n j e

Prijedlogom od 27.10.2024.godine, predlagatelj Društvo za promet i usluge „Minex“ d.o.o. Zenica, Marjanovića put broj 78, Zenica, zastupanom po direktoru Ibrahimu Meškiću, pokrenut je stečajni postupak nad navedenim društvom.

Rješenjem ovoga suda br. 43 0 St 236848 24 St 2 od 11.10.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika DRUŠTVO ZA PROMET I USLUGE „MINEX“ D.O.O. ZENICA, Marjanovića put broj 78, Zenica i za privremenog stečajnog upravnika imenovana je Nura Soldin iz Zenice, Talića brdo 1A.

Na ročištu za ispitivanje uvjeta za otvaranje stečaja održanom dana 23.01.2025.god., privremena stečajna upraviteljica je izjavila da ostaje kod izvještaja dostavljenog sudu dana 15.11.2024. godine. Dalje izjavljuje da izvještaj je napravljen na osnovu bilansa stanja na dan 31.12.2009. godine, prema kojem ukupna aktiva iznosi 1.089,945, od čega nekretnine nula, otprema 5.801,00 KM, zalihe trgovačke robe 105.554,00 KM, potraživanja od kupaca 510.462,00 KM, novčana sredstva 12, druga potraživanja 44.186,00 KM, potraživanja za PDV 721,00 KM, i gubitak iznad visine kapitala 423.209,00 KM. Pasiva koja je također iskazana u iznosu od 1.089,945,00 KM se sastoji od: Dugoročnih obaveza po kreditima od 111.135,00 KM, druga dugoročna razgraničenja 150,000,00 KM, kratkoročne obaveze po kreditima 50.175,00 KM, obaveze za primljene avanse 45.092,00 KM, obaveze za dobavljače 212.017,00 KM, obaveze za pored na dobit 256.891,00 KM, obaveze za PDV 128,00 KM, obaveze za ostale poreze i doprinose 60.901,00 KM, i druge kratkoročne obaveze 203.606,00 KM. Navodi da je dana 06.11.2024. godine sa direktorom Ibrahimom Meškićem izvršila popis imovine u sjedištu društva na adresi Marjanovića put broj 78, Zenica. U tom objektu se sada nalazi druga firma, nema knjigovodstvene dokumentacije, ni otpreme, namještaja a ni zaliha. Potraživanja od kupaca iznose od 510.462,00 KM i ona po izjavi direktora nisu utuživana, već su se dijelom rješavala putem kompenzacija, cesija, koje nisu proknjižene, a preostala potraživanja su zastarjela, a prema izjavi direktora. Tako da društvo od imovine ima samo nekretninu označenu kao kč.731, površine 565 kvadrata, upisane u ZK ul. broj: 986 K.O. Crkvice, oznaka nekretnine „Bare“ dvorište 414 kvadrata, i kuća i zgrada 151 kvadrat, ukupno 565 kvadrata, čija vrijednost prema mišljenju privremene stečajne upraviteljice bi prema stanju na tržištu iznosila otprilike 600.000,00 KM. Navedena nekretnina je prema izjavi privremene stečajne upraviteljice jedina imovina stečajnog dužnika koju je ona prilikom sačinjavanja izvještaja pronašla. Obaveze iskazane u bilansu stanja iz 2009. godine iznose 1.089.945,00 KM. Navodi da stvarne obaveze nije moguće utvrditi jer nema knjigovodstvene dokumentacije i jer nisu vršena knjižena nakon 31.12.2009. godine. Privremena stečajna upraviteljica izjavljuje da su ispunjeni uvjeti za otvaranje stečajnog postupka, jer društvo ne radi od 2009. godine, ima neizmirene obaveze koje prema bilansu iz 2009. godine iznose 1.089.945,00 KM, a koje su veće od vrijednosti imovine stečajnog dužnika koja se sastoji od nekretnine u vlasništvu stečajnog dužnika i koja prema procjeni stečajnog upravnika iznosi 600.000,00 KM, pa kako navedena imovina nije dovoljna za izmirenje svih obaveza stečajnog dužnika, ispunjeni su uslovi za otvaranje stečaja, pa kako društvo ima imovinu iz koje bi se mogli namiriti troškovi stečajnog postupka, privremena stečajna upraviteljica predlaže da sud otvori stečajni postupak nad navedenim društvom, a da za stečajnog upravnika imenuje nju, kao stečajnu upraviteljicu. Privremena stečajna upraviteljica izjavljuje da nije angažovana kao stečajna upraviteljica u više od dva otvorena stečajnog postupka, te da se nalazi na listi stečajnih upravnika.

Punomoćnik predlagatelja izjavljuje da predlagatelj ostaje kod prijedloga za otvaranje stečajnog postupka, nema primjedbi ni pitanja na izvještaj privremenog stečajnog upravitelja.

Stečajni postupak je postupak cjelokupnog unovčenja stečajne mase stečajnog dužnika. Iz pismenog izvještaja privremene stečajne upraviteljice i navoda sa ročišta za ispitivanje uvjeta za otvaranje stečaja, jasno proističe platežna nesposobnost stečajnog dužnika član 6. Zakona o stečaju („Službene novine F BiH”, broj:53/21).

Kako postoji prijedlog legitimisanog predlagatelja i utvrđeni su razlozi za otvaranje stečajnog postupka, a predlagatelj je ostao kod prijedloga koji je dopušten, te kako se prema izjavi privremenog stečajnog upravnika iz stečajne mase mogu namiriti troškovi stečajnog postupka, odlučeno je kao u izreci rješenja.

Sud je pored navedenog ovim rješenjem odredio dan i čas otvaranja postupka, imenovao stečajnog upravnika sa liste stečajnih upravnika, pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja i odredio i dan i čas za koji je zakazano ispitno i izvještajno ročište, a sve u skladu sa članom 104., 105., 106. Zakona o stečaju, budući da je naprijed navedeno i potrebno da sadrži rješenje o otvaranju stečajnog postupka.

Sud je naredio upis oznake „u stečaju“ uz naziv stečajnog dužnika u skladu sa članom 108. Zakona o stečaju i upis zabilježbe stečajnog postupka.

**POUKA O PRAVNOM LIJEKU:**

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnom sudu Zenica, a putem ovoga suda.

Sutkinja:  
Marina Šapina